

Бақиъ қабристонидаги қабрлардан бири



17:00 / 18.01.2021 3195

Аллоҳ таоло Қуръони Каримда шундай деб марҳамат қилган:

بَحْنَىصَقْ نَمُّمْنَمَفْلِلَعَ اُوَدَاعَ اَمْ اُوقَدَصْ لَاجَرَنَيِنْمُّفَمْلَأَنْمُّ
اَلِيَذْبَتْ اُولَدَبَ اَمَوْرَطَنَيْ نَمُّمْنَمَهْلَأَنْمُّ

«Мўминлар ичида Аллоҳга берган аҳдлариға содик қолган эранлар бор. Бас, уларнинг аҳдига вафо қилганлари ҳам, мунтазир бўлиб турганлари ҳам бор. Улар асло алмаштиrmадилар» (Аҳзоб сураси, 23-оят).

Содик саҳобаи киромлар уруш пайтларида орқага чекинмасликка, майдондан қочиб кетмасликка, балки ўз жойида, душман қаршисида сабит туришга ваъда берган эдилар. Улар ана шу ваъдалариға содик қолдилар. Шунингдек, улардан кейин келган тобеинлар, табааа тобеинлар, солиҳ мўминлар Ислом учун жонларини бериш, бу йўлда молу жонларини фидо қилиш борасидаги аҳдлариға содик қолиб, ўша аҳдлариға вафо қилдилар.

Аҳдига содик қолган инсонлардан бири Усмон розияллоҳу анҳудирлар.

Сайидимиз Усмон розияллоҳу анҳунинг қабрларини кўрганимизда, у зотнинг қабр ёнидан ўтсалар, Аллоҳ таолонинг раҳматидан умидвор бўлиб, азобидан қўрқиб, банда қабрда бир ўзи ётишини ўйлаб, кўз ёшлари соқолларининг ҳўл бўлишига сабаб бўлишини эсга оламиз.

Бу улуғ саҳобийни эслаганимизда, у киши ҳақларидаги ривоятлар, қиссалар эсга келади.

У зот хайрия ишларида пешқадамлардан бири әдилар.

Аллоҳ таолонинг фазли билан у киши Табук ғазотига кетаётган мусулмонлар қўшинини пул, қурол, туя, от каби керакли нарсалар билан жиҳозлаганлар.

Қудуқ сувини мусулмонларга пулга сотадиган яҳудийдан Румо қудуғини сотиб олиб, мусулмонларга текин қилиб қўйганлар.

Масжидун Набавийни кенгайтириш учун пулларига ёнидаги жойни сотиб олиб, масjidга қўштирганлар.

Булар Аллоҳ таолонинг у кишига ато этган фазлу марҳаматидан әди.

Пайғамбаримиз соллаллоҳу алайҳи васаллам **«Усмонга бугундан кейин қилган амали зарар бермайди»** деганлар.

Пайғамбаримиз соллаллоҳу алайҳи васалламнинг аввал бир қизлари, у қизлари вафот этгач, иккинчи қизларига уйланиб, "Зуннурайн" лақабини олдилар ва оламларга раҳмат қилиб юборилган Пайғамбаримиз соллаллоҳу алайҳи васалламга куёв бўлиш шарафига сазовор бўлдилар.

Ҳаёлари, таҳажжудлари, рўзадорликлари, Қуръонга моҳирликлари билан машҳур бўлганлар.

Пайғамбаримиз соллаллоҳу алайҳи васаллам Усмон розияллоҳу анҳудан ҳаё қиласар әдилар. Бунинг сабаби сўралганда, **«Фаришталар ҳаё қиладиган кишидан мен ҳаё қилмайми?!»** деганлар.

Хулафои рошидинлар (Тўғри йўлдаги халифалар)нинг учинчилари әдилар.

Ашараи мубашшара (Пайғамбаримиз соллаллоҳу алайҳи васаллам томонларидан охиратда жаннатга кириши ҳақида башорат олган ўнта саҳоба)нинг учинчилари әдилар.

Қуръони Каримни ўқиб ўтирганларида, шаҳид этилдилар. Қон томчилари оятлар устига тўкилди.

Зубайр ибн Абдуллоҳ айтади «Усмон ибн Аффон розияллоҳу анҳунинг мавлоси бўлган бобом менга айтиб берган әдиларки, Усмон ибн Аффон розияллоҳу анҳу агар аҳли оиласлари ухлаётган бўлса, улардан

биорталарини уйғотмас, агар кимнидир уйғоқ ҳолда топсалар, үшани чақирап, ўша киши у зотга таҳорат учун сув келтирап эди. Ўзлари доим рўза тутар эдилар».

Маймун ибн Мехрон раҳимаҳуллоҳ айтадилар «Менга Ҳамадонийнинг хабар беришича, у Усмон ибн Аффон розияллоҳу анхуни, халифа бўла туриб, хачир устида, ортларига хизматкорларини мингаштириб олган ҳолларида кўрган экан».

Усмон ибн Аффон розияллоҳу анху дедилар:

«Агар қалбларимиз пок бўлганида, Роббимизнинг Каломига тўймаган бўларди».

Анас ибн Молик розияллоҳу анхудан ривоят қилинади: «Усмон ибн Аффон розияллоҳу анху шаҳид этилганда, унинг аёли «Уни ўлдирдинглар. Ваҳоланки, у бир ракатда Қуръонни ўқиб, кечани қоим қиласди» деди. Анас ибн Молик розияллоҳу анху шундай деганлар. Аёлнинг ўша гапини одамлар ривоят қилиб, «Анас ибн Сийрин» дейишган.

Фаёз ибн Жаъфар Ҳамадонийдан ривоят қиласди, у айтган «Усмонни масжидда чойшабга ўралган ҳолда ухлаётганини кўрдим. Мўминларнинг амири бўлса-да, ёнида ҳеч бир киши йўқ эди».

Абу Бакр розияллоҳу анху жамлаган Мусҳафдан бир неча нусха кўчиритириб, кейин тайёр бўлган Мусҳафларнинг ҳар бирига биттадан қорини қўшиб, турли шаҳарларга юборганлар. Шунинг учун мазкур Мусҳафларни «Усмон розияллоҳу анху Мусҳафи» дейилади.

Абу Ҳурайра розияллоҳу анхудан ривоят қилинади, у киши дедилар «Усмон ибн Аффон розияллоҳу анху уйларида қирқ кун қамал қилиндилар. Менга «Бу кеча саҳарлик пайтида мени уйғотиб қўй» дедилар. Саҳар пайти олдиларига бориб, «Эй мўминларнинг амири, саҳарлик! Аллоҳ сизни раҳм қилсин!» дедим. У киши «Шундай» деб, пешоналарини силадилар ва «Субҳаналлоҳ! Эй Абу Ҳурайра, кўраётган тушимни бўлдинг. Унда Набий соллаллоҳу алайҳи васалламни кўргандим. У зот соллаллоҳу алайҳи васаллам менга «Эртага бизнинг олдимизда ифтор қиласан» дедилар» деб айтдилар. Кейин у киши шаҳид этилдилар. Аллоҳ у кишини раҳматига олсин!»

Шаҳид этилганларида рўзадор ҳолда эдилар.

Аллоҳ таоло барча содик саҳобалардан, жумладан, Усмон Зуннурайндан рози бўлсин!

Интернет маълумотлари асосида

Нозимжон Ҳошимжон тайёрлади